



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-444; 726-400
fax. +387 33 726-423
e – mail: info@voda.ba

Broj: **UP-1/21-2-40-289-4/22**

Datum: **15.07.2022. god**

«Agencija za vodno područje rijeke Save» Sarajevo, rješavajući po zahtjevu pravnog lica, «CENGIZ INSAAT SANAYI VE TICARET ANONIM SİRKETİ» – Podružnica Zenica, za donošenje rješenja o vodnoj saglasnosti za ispuštanje tehnoloških otpadnih voda u prirodni recipijent i za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada postrojenja za proizvodnju betona kapaciteta 90m³/h (privremenog karaktera) u sklopu gradilišnog kampa «Golubinja» u naselju Golubinja, općina Žepče formiranog za potrebe izgradnje autoceste (koridor Vc), dionica: Poprikuše – Nemila, na osnovu člana 121. stav (3) Zakona o vodama («Službene novine Federacije BiH», broj 70/06) i člana 218. stav (2) Zakona o upravnom postupku («Službene novine Federacije BiH», broj 2/98, 48/99) donosi

ZAKLJUČAK

Odbacuje se zahtjev pravnog lica, «CENGIZ INSAAT SANAYI VE TICARET ANONIM SİRKETİ» – Podružnica Zenica, za donošenje rješenja o vodnoj saglasnosti za ispuštanje tehnoloških otpadnih voda u prirodni recipijent i za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada postrojenja za proizvodnju betona kapaciteta 90m³/h (privremenog karaktera) u sklopu gradilišnog kampa «Golubinja» u naselju Golubinja, općina Žepče, zbog nepotpunosti dokumentacije i smatra se kao da nije ni podnesen.

Obrazloženje

Pravno lice, «CENGIZ INSAAT SANAYI VE TICARET ANONIM SİRKETİ» – Podružnica Zenica, zahtjevom zaprimljenim dana 09.06.2022. godine zatražilo je izdavanje vodne saglasnosti za ispuštanje tehnoloških otpadnih voda u prirodni recipijent i za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada postrojenja za proizvodnju betona kapaciteta 90m³/h (privremenog karaktera) lociranog u sklopu gradilišnog kampa «Golubinja» na zemljištu označenom kao k.č. broj: 562/1, 562/2, 562/4 i 561/5 K.O. Golubinja, općina Žepče.

Uz zahtjev je dostavljena i pregledana sljedeća dokumentacija:

- Ovjerena kopija Rješenja o registraciji podružnice stranog društva u sudski registar broj: 043-0-Reg-21-000926 izdatog dana 13.09.2021. godine od strane Općinskog suda u Zenici,
- Ovjerena kopija Uvjerenja o registraciji poreznog obveznika izdatog dana 24.09.2021. godine od strane Porezne uprave Federacije BiH-Kantonalni porezni ured Zenica,
- Stručno mišljenje broj: 03-19-4-976/21 o lokaciji privremene betonare izdato dana 14.06.2021. od strane nadležne Službe za graditeljstvo i prostorno uređenje Općina Žepče,
- Kopija Rješenja o prethodnoj vodnoj saglasnosti broj: UP-I/25-1-40-284-4/21 izdatog dana 27.07.2021. godine od strane «Agencije za vodno područje rijeke Save» Sarajevo,
- Glavni projekat KNJIGA I 1081 – Projekat privremenih gradilišnih objekata – vodovod i kanalizacija (tekstualni dio i nacrti) urađen od strane «HIGRACON» d.o.o. Sarajevo, broj: 2044, decembar 2021. godine te revidovan od strane «PPG» d.o.o. Sarajevo, februar 2022. godine,
- Dokaz o uplaćenju upravnoj taksi.

Uz zahtjev nije dostavljena dokumentacija koja je navedena u tački 6.2. donesenog Rješenja o prethodnoj vodnoj saglasnosti i utvrđena članom 8. i 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19 i 41/20), te je dopisom broj: UP-1/25-2-40-289-2/22 od 21.06.2022. godine zatražena dopuna dokumentacije neophodne za vođenje upravnog postupka od strane ove Agencije.

U ostavljenom roku, uz dopis broj: P-N/Oth.22/120 u Agenciju je dana 05.07.2022. godine dostavljeno sljedeće:

- Obrazloženje vezano za traženo Rješenje o urbanističkoj saglasnosti i okolinskoj dozvoli,
- Kopija Rješenja o prethodnoj vodnoj saglasnosti broj: UP-I-04-21-2-395/2022 za korištenje vode za potrebe betonare u količini od 1,74l/sec iz mjesnog vodovoda MZ Golubinja izdatog dana 27.04.2022. godine od strane Službe za gospodarstvo i finansije Općina Žepče,
- Kopija Zahtjeva broj: P-N/Oth.22/117 za izdavanje vodnog akta za ispuštanje sanitarno-fekalnih voda iz privremenog gradilišnog kampa upućenog 03.06.2022. godine nadležnom Ministarstvu za poljoprivredu, šumarstvo i vodoprivredu Zeničko-dobojskog kantona,
- Glavni projekat KNJIGA I 1080 – Projekat privremenih gradilišnih objekata – vanjsko uređenje i ceste (tekstualni dio i nacrti) urađen od strane «SARAJ INŽENJERING» d.o.o. Sarajevo, broj: 2044, decembar 2021. godine te revidovan od strane «PPG» d.o.o. Sarajevo, mart 2022. godine,

Uvidom u naknadno dostavljenu dokumentaciju konstatovano je da Rješenje o urbanističkoj saglasnosti kao i Rješenje o okolinskoj dozvoli za predmetno postrojenje za proizvodnju betona traženo dopisom broj: UP-1/25-2-40-289-2/22 od 21.06.2022. godine nije priloženo.

Obrazloženje u kome su navedeni razlozi neishodovanja Rješenja o urbanističkoj saglasnosti i okolinskoj dozvoli je neprihvatljivo u postupku donošenja Rješenja o vodnoj saglasnosti za ispuštanje tehnoloških otpadnih voda u prirodni recipijent i za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada predmetnog postrojenja.

Obzirom da predmetna aktivnost koja se odnosi na zaštitu voda nije obuhvaćena članom 17. stav (3) alineja 5. Zakona o autocesti na Koridoru Vc («Službene novine Federacije BiH», broj: 8/13), kao što ni članom 48. istog Zakona nije obuhvaćena oblast voda, navedeni se ne mogu primjeniti u konkretnom slučaju.

Kako podnosilac zahtjeva nije u potpunosti dopunio svoj zahtjev do ostavljenog roka, kao ni do dana donošenja ovog Zaključka, to je u skladu sa članom 121. stav (3) Zakona o vodama i člana 218. stav (2) Zakona o upravnom postupku riješeno kao u dispozitivu ovog Zaključka.

Uputa o pravnom lijeku:


Protiv ovog Zaključka može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Zaključka.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Nermina Hodžić, dipl.ing.građ.

Po ovlaštenju
Rukovodilac sektora za izdavanje vodnih akata


Haris Ališehović, dipl.ing.građ.

Dostaviti:

- «CENGİZ INSAAT SANAYİ VE TİCARET ANONİM ŞİRKETİ» – Podružnica Zenica
Vrandučka bb, 72000 Zenica
- AVP Sava, ISV – vodna knjiga
- Sektor 40 – arhiva
- Oglasna ploča – AVP Sava